

Landesbibliothek Oldenburg

Digitalisierung von Drucken

Bibliotheca Smithiana, Seu Catalogus Librorum D. Josephi Smithii Angli Per Cognomina Authorum Dispositus

Pasquali, Giovanni Battista

Venetiis, 1755

Flavius Vegetius De Re Militari.

urn:nbn:de:gbv:45:1-844

plane conditoribus ad nepotes pervenerunt Frontinus, Vegetius, Helianus, ac Modestus, qui veluti quadriga per militarem campum latissime decurrunt, omnesque militiæ meandros cum laude ingrediuntur. Hos ego nuperime relegi, emendavique, Mine mi eruditorum nobilissime, in Ponticulano tuo feriatu, quo saluberrimo secessu nihil amoenius, nihil magnificentius, nihil pulchrius novi. Adeo ut Laurentinum Plinianum, ut villæ Lucullianæ, ut prætoria omnia a luxuriosis ædificatoribus magnificenter extructa cum Ponticulano Rosciorum comparari vix mereantur. Te beatum meritissime nuncupant, cui res adest & virtus. Hosce igitur doctores rei bellicæ luculentos in contubernio tuo, quo nil dulcius, emendatos impressori e vestigio dedi sub tuo nomine publicandos; quorum eruditio non protrita, quorum lectio oppidoque erudita est. Qui non minus utiles futuri sunt palentibus in umbra scholasticis, quam coloratis sub dio bellatoribus. Quos tu, quæso, quum vacabit, ne spreveris vel transeunter inspicere. Vale, & Philippum tuum ama mutuiter.

FLAVIUS VEGETIUS
DE RE MILITARI.

*Joannes Sulpirius [1] Verulanus Petro Paulo de Comite
Juveni generoso & strenuo S.P.D.*

CHARI discipuli fidus præceptor non facile obliviscitur, Petre Paule. Durat enim mihi adhuc illa tui instituendi & quascunque ad te orandum subministrandi sollicitudo. Quare ad discendum rursus te revoco, non Poeticen, aut Historicen, aut Oratoriam, ad quas tibi plurimum hæc lectio proderit, sed ipsam militarem disciplinam, in qua te sub peritissimi fratris tui Jo: Baptiste & monitis & auspiciis hæctenus exercuisti, & jam sub Nicolao Ursino Suanæ Comite sororio tuo auspiciatus exercebis. Ut nihil igitur quod ad eam callendam est opus desideres, tres de ea re scriptores egregios, quos nuperrime recognovi, Vegetium, Ælianum & Frontinum simul coniunxi, & ut emendatissimi in tuas & in aliorum manus venirent effeci. Videbis in primo, qui verborum novitate & castrensibus verbis persæpe utitur, omnem rei militaris scientiam ex maximis optimisque auctoribus in perspicuam brevitate enucleatam, quæ te excitatum, solertem, audentem, cautumque reddet. Alter pugnandi & acierum instruarum sic te scientiam edocebit, & tantum sic tibi animorum hæc lectio adjectura, ut non dubitem, quin clarissimi Patris, Fratrisque tui illius simillimi vestigia imitatus in præstantissimum virum sis evasurus. In tertio autem exemplorum id genus tantam copiam lectitabis, ut etiam disertum in re militari sit te redditura. Vale.

[1] *Verulani* mentionem ingerit *Michael Fernus* in Præfat. ad Eleg. & Epigram. Jo. Anton. Campani, illumque inter strenuissimos Academicæ

Romanæ commilitones conlocat. Vide *Bailletum* Jugem. de Sçav. Vol. II. pagg. 127.

